

Gou Dwg Mbawfaex

我是树叶

德保县隆桑中心校四年级 黎彩霞



Gou dwg mbawfaex gig bingz-ciengz ndeu, mbouj lumj doengh dujva homrang, hix mbouj lumj gij mak ndeigwn, sengmingh gou gig dinj, hoeng gou moix ngoenz gvaq ndaej youh ndei youh miz eiqsei.

Seizcin, gou damq ok aen

gyaeuj daeuj yawj aen seiqgyaiq gyaundeit neix. Rumzcin menhmenh lumh gou, daengngoengz daxgoeng yungh nditrongh raeujrub baujhu gou, hawj gou maj ndaej vaiq.

Seizhah, dou daenj hwnj geu buh heuloeg, vih gyoengqvunz okrengz. Nungzminz bohlungz youq ndaw naz guh hong baeg le, daeujdaengz baihlaj dou yietliengz, gyoengq lwgnyez doegsaw naiq le, daeujdaengz laj gofaex yietnaiq; banhaemh, daengx ranz vunz youq baihlaj dou gangigoj, dwkgeiz, dou ndoet aeu yangjvadan, cau ok gij hoengheiq singjsien hawj gyoengqvunz.

Seizcou, gou duet roengz geu

buh heuloeg, daenj hwnj geu buh saekhoengz, caeuq rumzcou itheij dawz gwnzmbwn nyumx ndaej engq rongh engq lamz. Gou ciq rumzcou dahcej menhmenh diuqfoux daeuj daengz henz daemz. Yawjraen duzmoed lwg ndeu doek roengz ndaw daemz bae. Rumzcou dahcej daiq gou bae daengz ndaw daemz, hawj gou dawz duzmoed doek daemz soengq hwnj gwnz haenz bae.

Seizdoeng, dienheiq ciemh-ciemh nit lo, gou couh youq gwnz dieg baujhu daihdieg, hawj diegdeih raeujrub.

Neix couh dwg ciuhvunz gou, mbawfaex bingzciengz ndeu.

(指导老师:关桂留)



Lienh Sijcih

练习写字

武鸣县中桥小学三(1)班 冯得扬

Moix ngoenz hwnjdangz sat le, gou cungj gyaex camgya gak cungj hozdung, daegbied dwg lienh sijcih. Sijcih hawj gou vaiqvued fouzbeij.

Geiq ndaej daih'it ngoenz lienh sijcih, cungjdwg lienh sij mbat bitved, gig genjdanh, gou gig vaiq couh hag rox lo. Yienghneix gou couh gag nyinhnaeuz lienh sijcih daiq yungzheih lo. Byawz rox, doeklaeng yied sij yied hoj lo, miz seiz cih saw ndeu gou sij haujlai baez hix sij mbouj baenz, fwngz cungj naet liux, couh miz di doeknaiq mbouj siengj lienh lo. Daxmeh lumjnaeuz yawjok sim gou ngeix gijmaz, gujli gou naeuz: "Geij gaenj, lienh sijcih aeu menhmenh cij ndaej, daxmeh saengq mwngz itdingh lienh ndaej engq ndei." Dingq le gij vah daxmeh, gou youh dauq miz saengsim lo, lienh ndaej engq roengzrengz, hix sij ndaej engq gyaundeit lo.

Daj ndaw vah daxmeh gujli gou haenz, hawj gou roxdaengz le, lienh sijcih mbouj ndaej gaenj, aeu miz naihsim, menhmenh lienh cij lienh ndaej ndei.

(指导老师:潘桂芬)

Baez Daih'it Aeu Makyungz Cauj Gyaeggaeq

第一次做西红柿炒鸡蛋

上林县大丰镇皇周小学四年级二班 谭士明

Gou youq siujyoz haj bi ndawde, miz haujlai baez "baez daih'it", lumj baez daih'it yenjgyangj, baez daih'it gwih danci.....Hoeng cei hawj gou nanzlumz haenz couh dwg baez daih'it aeu makyungz cau gyaeggaeq.

Gou youq ndaw ranz dwg boux "gunghcuj iq", bohme hix ciengzseiz naeuz gou gijmaz hong cungj mbouj guh, lumj gomiuz ndaw ranz nei, mbouj deng rumz ci fwn lwed. Gou dingq gij vah neix, ndaw sim miz cungj feihdauh gangj mbouj ok haenz. Yienghneix gou siengj guh di saeh hawj daxmeh yawjyawj.

Gou siengj cawj buenz byaek ndeu—makyungz cau gyaeggaeq. Gou daj ndaw binghsiengh gaem geij

aen makyungz caeuq sam aen gyaeggaeq. Gou youq henz vanj siujsim yubyub dwk dawz sam aen gyaeggaeq gvaek byoengq dauj roengz ndaw vanj bae, caiq gyaux de.

Gou diemj feiz, dauj youz, caj youz ndat le, dawz gyaeggaeq dauj roengz ndaw rek bae, dingqny "cila" sing ndeu, lumjnaeuz gyaeggaeq ciengqgo nei. Seizneix gou raen gyaeggaeq bongz hwnjdaeu, lij miz di fugfauz, gou youh dawz makyungz dauj roengz ndaw rek bae, fanfuk cau, gvaq yaephe, gou youh dauj bueng vanj raemx roengzbae, daih-iek youh gvaq le haj faencung, gou youh cuengq di gyu, yaephe couh cug lo, gou canj okdaeu cuengq roengz ndaw buenz bae. Gou yawj

ndaw buenz gij makyungz cau gyaeggaeq henjlgwlgw neix, hawj gou myaiz cungj lae lo. Hoeng gou lij nyaenx dwk. Gou dawz buenz makyungz cau gyaeggaeq neix gaem daengz gwnz daiz bae caj bohme, hawj bohme doeksaet baez ndeu. Dahraix, bohme raen gwnz daiz miz buenz makyungz cau gyaeggaeq neix, naeuz: "Dahlwg majhung lo, mbouj dwg boux gunghcuj ndeu lo." Gou cimz gij lauздung cwngzgoj gamjdaengz van raixcaix.

Daj baez neix hwnj, gou miz seizgan couh bang bohme cawj byaek, cawj ngaiz. Gou seizneix gaeng rox cawj geij yiengh byaek lo, mwngz naeuz gou miz bonjsaeh lwi?

(指导老师:磨志忠)

Gou boiqfug boux vunz ndeu, de heuh Vangz Veih. De maj ndaej mbouj sueng gyaundeit, hoeng de cungj dwg naj daiq riunyumj diemzsis, hawj vunz gamjdaengz daegbied caenciet, dwggvaez.

Vangz Veih hagsib ndei, mboujguenj dwg suyoz, dennauj roxnaeuz cozvwnz, de cungj gig youhsiu. De doiq suyoz daegbied haeujyinx. Moix ngoenz, de cawzbae sij gij cozyez lauxsae yauhgiuz sij haenz, lij gag ra govai suyoz lienhguh daeuj lienh. Gou laihaeuz dwg bohme heuh de yienghneix guh, doeklaeng cij rox dwg de swhegeij gag aeu guh. De naeuz: "Guh suyoz dwg cungj yinxdaeuz ndeu, yienznaeuz baeg di, hoeng lai lienhguh doiq swhegeij miz daezsang ha."

Geiq ndaej gou gvaq ngoenzseng ngoenzhaenz, gangj ndei gyanghaet 9 diemj cung caez bae gunghyenz guhcaemz, siengj mbouj daengz gou caj daengz banringz it diemj cung de lij caengz daeuj. Gou dwk dena hawj

Bouxvunz Gou Boiqfug Ndeu

我佩服的一个人

贵港市覃塘区蒙公乡高占小学五年级 苏洁雯

de. Yenzlaiz, Vangz Veih siengj youq 9 diemj cung gaxgonq guh sat 6 diuz suyoz lienhguh, siengj mbouj daengz gij daez neix miz di nanz, baez sij couh.....Yienznaeuz hawj gou begbeg caj bae haet gvaiz ndeu, hoeng yawjraen de hagsib gig nyinhcaen, gou mbouj ndaej mbouj boiqfug de.

Vangz Veih sim gig ndei. Miz baez ndeu, de ciq gou di cienz ndeu, gou raen de haujlai nanz cungj mbouj boiz hawj gou, simgip le couh youq baihlaeng gangj vaihvah de, naeuz de mbouj boiz cienz hawj gou. Doeklaeng, gij vah neix cienz daengz ndaw dujrwz de lo. Gou siengj:Neix sat lo, de baezlaeng itdingh mbouj leixlangh gou



lo. Caen dahraix, gvaq bae haujlai ngoenz lo, de cungj mbouj dwk dena hawj gou, gou boux ndeu youq ranz geijlai mbwq ha, siengj okbae guhcaemz youh lau nyangz de, danghnaeuz de youq baihnaj daihgya

gangj gou, gou couh mboujmiz naj lo.

Sawqmwh, gou ciep daengz dena Vangz Veih, de iu gou okrog daeuj doxraen. Gou laihaeuz de itdingh gangj gou, siengj mbouj daengz baez doxraen, de sien doiq gou gangj "doiq mbouj cienz hwnj", lij faen ndeu mbouj noix boiz hawj gou, seizhaenz gou lwnq lo, naeuz: "Gou youq baihlaeng gangj vaihvah mwngz ne?" De gaem fwngz gou naeuz: "Gaeng gvaqbae lo, lij daez de guh gijmaz? Bae, raeuz bae guhcaemz ba!" Baezlaeng, gou caiq hix mbouj youq baihlaeng gangj vaihvah de lo, gou doiq baengzyoux hix bienq ndaej simndeit hwnjdaeu lo.

De lij miz haujlai haujlai cig ndaej gou boiqfug, soujsaengq, daihfueng, dawz bang vunz guh angq.....Ciuhvunz ndaej gyau daengz cungj baengzyoux neix mbouj yungzheih, gou aeu ndeindeit insik dou faenh youjyiz neix, lij aeu de guh yiengh, yiengq de hagsib.

(指导老师:覃珍团)